



Broj : 10/E-11-3132/24
Sarajevo: 22-04-2024 godine

Na osnovu člana 10c. stav (5), člana 18. stav (2) Zakona o javnim nabavkama („Službeni glasnik BiH“, broj 39/14 i 59/22) – u daljem tekstu: Zakon, člana 69. Statuta Općine Centar Sarajevo – Prečišćeni tekst («Službene novine Kantona Sarajevo», br. 23/04), a u skladu sa zahtjevom Službe za privredu i poslovne prostore od 18.04.2024. godine, Općinski načelnik d o n o s i :

O D L U K U

o izuzeću od primjene Zakona o javnim nabavkama

Član 1.

Od primjene Zakona o javnim nabavkama izuzimaju se usluge registracije novih vodomjera i usluge intervencije na lociranju kvara na vodovodnoj mreži u poslovnim prostorima Općine Centar.

Član 2.

Procijenjena vrijednost iz nabavku usluga iz člana (1) ove odluke iznosi ukupno 380,30 KM, a sredstva su planirana u Budžetu Općine Centar Sarajevo za 2024.godinu, na budžetskom kontu: 613721. JRJN: 98390000-3 – Ostale usluge.

Član 3.

Ova Odluka odluka stupa na snagu danom donošenja i bit će objavljena na službenoj stranici Općine Centar Sarajevo.

O b r a z l o ž e n j e

Na osnovu zahtjeva Službe za privredu i poslovne prostore od 18.04.2024. godine za nabavku usluga registracije novih vodomjera i usluge intervencije na lociranju kvara na vodovodnoj mreži u poslovnim prostorima Općine Centar, Kabinet općinskog načelnika – Odsjek za javne nabavke predlaže odluku o izuzeću.

Dalje, članom 18. stav (1) Zakona o javnim nabavkama, propisano je da ugovorni organ pokreće postupak javne nabavke donošenjem odluke o pokretanju postupka javne nabavke u pisanoj formi, dok je stavom (2) istog člana propisano da u slučaju izuzeća od primjene iz člana 10. ovog zakona ili za dodjelu ugovora o nabavci usluga iz Aneksa II, ugovorni organ dužan je donijeti odluku koja, osim zakonske osnove za izuzeće od primjene ovog zakona, sadrži osnovne elemente iz stava (1) tačka b), c) i d) ovog člana.

Članom 10c. stav (5) Zakona o javnim nabavkama, propisana su izuzeća od primjene odredbi ovog zakona, gdje je definisano:

„Ovaj zakon ne primjenjuje se na sklapanje ugovora isključivo između dva ili više ugovornih organa ako su ispunjeni svi sljedeći uslovi:

- a) ugovor se utvrđuje ili ostvaruje saradnja između tih ugovornih organa s ciljem osiguravanja da javne usluge koje oni trebaju pružiti ostvaruju njihove zajedničke ciljeve;
- b) ta saradnja uspostavljena isključivo na osnovu potreba vezanih uz javni interes;
- c) ti ugovorni organi ostvaruju na otvorenom tržištu manje od 20 % djelatnosti na koje se odnosi saradnja.

Predmetne usluge se mogu obezbijediti od ovlaštenog preduzeća za vodovodnu mrežu i to od KJKP „Vodovoda i kanalizacije“ d.o.o. Sarajevo.

Naime, odredbama Zakona o vodama Kantona Sarajevo („Službene novine Kantona Sarajevo broj 18/10) i odredbama Zakona o komunalnim djelatnostima („Službene novine Kantona Sarajevo, broj 14/16, 43/16, 10/17, 19/17, 20/18 i 22/19), Skupština Kantona Sarajevo, kao osnivač KJKP „Vodovoda i kanalizacije“ d.o.o. Sarajevo, nadležna je za provođenje javne usluge za vodosnadbijevanje.


Saradnja između federalnih organa, javnih preduzeća i općine se ostvaruje s ciljem osiguranje javne usluge, kojom se ostvaruju zajednički ciljevi, a to se odnosi na korištenje vodovodne mreže za poslovne prostore, koji su u vlasništvu Općine Centar Sarajevo. Cijene predmetnih usluga su propisane odlukom Skupštine Kantona Sarajevo. Usluge registracije vodomjera će biti plaćene na osnovu predmjera i predračuna br. 165/24 na iznos od 54,07 KM sa PDV-om; predmjera i predračuna br. 180/24 na iznos od 54,07 KM sa PDV-om. Usluge intervencije na lociranju kvara na vodovodnoj mreži će biti plaćene na osnovu predmjera i predračuna br. 130/24 na iznos od 140,18 KM i predmjera i predmjera br. 170/24 na iznos od 196,63 KM sa PDV-om. Sve plaćene fakture/ računi će biti sastavni dio ove Odluke.

U skladu sa naprijed navedenim ispunjeni su uslovi za izuzeće od primjene Zakona o javnim nabavkama ("Službeni glasnik BiH", broj 39/14 i 59/22) u skladu sa članom 10c. stav (5).

Analizirajući predmetni zahtjev, utvrđeno je da su ispunjene pretpostavke za realizaciju navedenih usluga, odnosno da su finansijska sredstva za ove namjene obezbijeđena u Budžetu Općine Centar za 2024. godinu, na budžetskom kontu: 613727-8.

Shodno zakonu i općim aktima Općine, Opštinskom načelniku dostavlja se prijedlog Odluke o izuzeću od primjene Zakona o javnim nabavkama.

Cijeneći prethodno navedeno donesena je Odluka kao u dispozitivu.



OPŠTINSKI NAČELNIK

Srdan Mandić

Dostaviti:

1. Službi za privredu i poslovne prostore,
2. Kabinetu općinskog načelnika - Odsjeku za javne nabavke,
3. Službi za finansije,
4. Evidenciji